



Uunga siunnersuut: Nunaoil A/S pillugu Inatsisartut inatsisaata atorunnaarsinneqarnera pillugu Inatsisartut inatsisaat.

(Aatsitassanut Inatsisillu Atuutsinneqarnerannut Naalakkersuisoq)

Siullermeerinnineq:

Naleqqamiit Naalakkersuisut siunnersuutaanut qujassuteqassaagut. Naleqqamiit peqqinnartutut isigaarput suliffeqarfiit pisortat pigisaat nalilersortuarnissaat. Pilersinneqarnerminnut tunngavia suli atuuppa? Pilersinneqarnerminnut pissutsinut tulluuppa? Pilersinneqarnerat namminersortunit kiviinneqarsinnaava? Innuttaasut ilumut kiffartuunneqarnerat kivipaat?

Ullumikkut Naalakkersuisut siunnersuutaat, Nunaoil A/S-imut tunngasoq, siulliuvoq pisortat pigisaannut tunngasunik inatsisartunit isummerfigisassaq. Ajoraluartumilli ataqatigiissakkamik siunnerfeqannginneq ersarippoq.

Pisortat pigisaat suliffiit nutaat pilersinniarnearput, pioreersut ilaat allangorniarnearput ilaallu allat matuniarnearput. Qaasiunnarlutali qinikkat politikikkut sumut ingerlaniarnarluta isummerfigineqanngilaq.

Naak suliffeqarfinnut inatsisinut oqartussaaveqalernissaq? Sooq suli Danmarkimi pissutsit malilugit suli ingerlatsiniarpugut?

Naleqqamiit siunnerfigisimasarput, uagutsinnut aallaavigilernissarput, tamaviaarutaanera qularineqannginnera naluneqanngilaq. Taamaammatt ullumikkut ersarissumik NunaOil A/S pillugu inatsit atorunnaarsinnissaanut tapersiinnissarput taassavarput, kisiannili akerlerilluinnarparput NunaOil A/S siunertaqarunnaartoq ingerlaannaq matuneqannginnera.



Naleraq

NunaOil A/S Naalakkersuisut ima oqaasertalersimavaat:

”taamaalilluni inatsisit allat malillugit atuuttut saniatigut najoqqutassialikkatut piumasaqaatinik sianiginnittariaqarani siunertap allanngortinnera paasillugu tulluarnepaatut isigineqartumik iliuserisamik ingerlatseqatigiiffiup ineriartortinnissaanut periarfissaqartoqalissamat”.

Suliffeqarfik matunagu nammineq piumasarsorluni ingerlatsinissaa taamatut ammaassivigineqarnera Naleqqamiit isornarluinnartutut oqaatigissavarput. Suliffeqarfiup pilersinneqarneranut tunngavia tamaat peeriarlugu sooq suli ingerlanneqarniarpa?

Tunngavissanik ujartuineq qularinngilarput aallartissaaq. Kisiannili siunnersuutit allat saqqummius-sat qiviaraanni eqqumiiginarlutik.

Naleqqamiit tamakkiisumik NunaOil A/S inatsisaa atorunnaarsinnissaa taperserlugu, suliffeqarfiup matuneqarnissaa avaqqunneqarsinnaannginneralu erseqqissaassutiginiarparput.